

MAHATHIR - UCAPAN

(I)

KUALA LUMPUR, 4 SEPT (BERNAMA) -- UCAPAN DATUK SERI DR MAHATHIR MOHAMAD PADA PERSIDANGAN KEMUNCAK KELAPAN PERGERAKAN NEGARA-NEGARA BERKECUALI DI HARARE SEHALAM WALAUPUN PENDEK MEMBAWA KESAN YANG AMAT DIRASAI OLEH KALANGAN MEREKA YANG HADIR.

+ UCAPAN ITU DENGAN STAIL YANG TERSENDIRI BERSIFAT BERTERUS TERANG DAN MENGEMUKAKAN PELBAGAI PERSOALAN,+ DEMIKIAN MENURUT PERWAKILAN MALAYSIA YANG MENGHADIRI PERSIDANGAN ITU DALAM SATU KENYATAAN YANG DIKELUARKAN OLEH WISMA PUTRA DI SINI HARI INI.

PERDANA MENTERI KEMUDIAN DIBERI UCAPAN TAHNIAH OLEH PARA PEMIMPIN NEGARA BERKECUALI YANG TELAH MENDENGAR UCAPAN ITU DENGAN KHUSYUK YANG ANTARA LAIN MENONJOLKAN KOMITMEN MALAYSIA TERHADAP ISU-ISU TERMASUK KAMPUCHEA, ASIA BARAT DAN AMERIKA TENGAH SERTA PERLUCUTAN SENJATA.

PRESIDEN ZAMBIA KENNETH KAUNDA, DALAM PERTEMUANNYA DENGAN DATUK SERI MAHATHIR, BERKATA BELIAU +TERTARIK HATI DENGAN PEMIKIRAN JELAS PERDANA MENTERI+ DAN RASA BERSEMANGAT MENDAPATI CARA PEMIKIRAN BEGINI TERDAPAT PADA PERGERAKAN ITU.

PERDANA MENTERI INDIA RAJIV GANGHI TURUT MENYOKONG IDEA DATUK SERI DR MAHATHIR MENGENAI PEMBENTUKAN SURUHANJAYA SELATAN. - LAGI.
2021MST 04 09 86

B B110 AAB

MAHATHIR - UCAPAN 2 KUALA LUMPUR

(I)

+ RAJIV BERKATA BELIAU BERPENDAPAT SUDAH TIBA MASANYA BAGI NAM MENJALANKAN LANGKAH-LANGKAH KONKRIT OLEH KERANA NAM KINI BERGERAK DARIPADA JENIS PERJUANGAN DAHULU KEPADA CABARAN-CABARAN BARU,+ JELAS KENYATAAN ITU.

PRESIDEN PERU ALAIN GARCIA BERPENDAPAT MESEJ YANG DISAMPAIKAN OLEH DATUK SERI DR MAHATHIR AMAT PENTING KEPADA NAM DAN SEPENDAPAT DENGAN PERDANA MENTERI MENGENAI PELBAGAI ISU YANG DIUTARAKANNYA.

BELIAU KHUSUS MENGUCAPKAN TAHNIAH KEPADA DATUK SERI DR MAHATHIR KERANA KOMITMEN BESAR MALAYSIA KE ARAH MENGHAPUSKAN DADAH.

PEMIMPIN-PEMIMPIN LAIN YANG MENEMUI DATUK SERI DR MAHATHIR IALAH RAJA-RAJA BHUTAN DAN NEPAL YANG JUGA MENYOKONG PERDANA MENTERI DALAM SEMUA ISU TERMASUK SURUHANJAYA SELATAN. - BERNAMA.
2040MST 04 09 86